



Broj: 05/7-50-13-102-19/16

Sarajevo, 22.7.2016.

Z A P I S N I K

19. sjednice Vijeća nacionalnih manjina BiH, održane 22.7.2016.

Sjednica je počela u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jovanka Manžalović-Šalaka, Jakob Finci, Vjeročka Gajić, Todorica Jovanović, Hakan Varan, Silvija Vujović, Marija Grbić, Andrija Svatok, Mladen Radmilović, Tijana Vučurević, Nedžad Jusić, Dejan Piotrovski i Davor Ebner.

Sjednici, iz opravdanih razloga, nisu prisustvovali: Eva Pašić-Juhas, Velibor Kuvač, Halil Bicaj i Dragan Marković.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, i Branislava Vignjević, stručna savjetnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili sljedeći

D N E V N I R E D

1. Predstavljanje novog člana Vijeća nacionalnih manjina BiH iz austrijske nacionalne manjine;
2. Aktivnosti Ministarstva za ljudska prava i izbjeglice BiH - recenzentskih grupa - Zakon o pravima nacionalnih manjina, Akcioni plan za Rome, Strateška platforma za NM (Lalić);
3. Planiranje posjeta Vijeća nacionalnih manjina BiH u 2016. godini;

4. Razno:

- Informacija o isplatama troškova za rad Vijeća nacionalnih manjina BiH,
- Informacija o popisu stanovništva u BiH.

Ad.1. Predstavljanje novog člana VNM iz austrijske nacionalne manjine

Predsjedavajući Vijeća nacionalnih manjina BiH Tihomir Knežiček predstavio je novog člana Vijeća nacionalnih manjina iz austrijske nacionalne manjine Davora Ebnera i zaželio mu uspješan rad.

Davor Ebner pozdravio je sve prisutne te ih ukratko upoznao sa svojom biografijom i trenutnim angažmanima, izražavajući nadu za dobrom budućom saradnjom.

Ad.2. Aktivnosti Ministarstva za ljudska prava i izbjeglice BiH - recenzentskih grupa - Zakon o pravima nacionalnih manjina, Akcioni plan za Rome, Strateška platforma za NM (Lalić)

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Želimir Lalić, predstavnik Ministarstva za ljudska prava i izbjeglice BiH, i Jovanka Manžalović-Šalaka.

Želimir Lalić, predstavnik Ministarstva za ljudska prava i izbjeglice BiH, upoznao je članove Vijeća nacionalnih manjina s aktivnostima Ministarstva za ljudska prava i izbjeglice BiH, i to:

- da je Vijeće ministara BiH donijelo Odluku o dodjeli sredstava u iznosu od 70.000 KM za podršku udruženjima nacionalnih manjina u BiH,
- da strateška platforma o zaštiti pripadnika nacionalnih manjina još nije usvojena zbog toga što nije usaglašena na svim nivoima vlasti,
- također je informirao članove da je u programu rada Ministarstva za ljudska prava i izbjeglice BiH, odnosno Vijeća ministara BiH, donošenje Zakona o izmjenama i dopunama Zakona o pravima nacionalnih manjina, kako bi se izbjegli problemi koji se pojavljuju.

Nakon toga **jednoglasno je usvojena informacija** o aktivnostima Ministarstva za ljudska prava i izbjeglice BiH.

Ad.3. Planiranje posjeta VNMBiH u 2016. godini

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Mladen Radmilović, Dejan Piotrovski, Jovanka Manžalović-Šalaka, Andrija Svatok, Todorka Jovanović, Nedžad Jusić, Davor Ebner, Hakan Varan, Marija Grbić, Jakob Finci i Tihomir Knežiček.

Nakon rasprave i više prijedloga, članovi Vijeća nacionalnih manjina donijeli su odluku da do kraja 2016. godine obave dvije posjete, i to po mogućnosti onim zemljama koje su najbolje riješile probleme u vezi s pravima nacionalnih manjina.

Jednoglasno je usvojen prijedlog da se formiraju dvije grupe za posjetu, i to prva grupa da posjeti Republiku Makedoniju, a druga grupa da posjeti jednu od tri sljedeće zemlje: Češku, Slovačku ili Poljsku, o čemu će se članovi Vijeća opredijeliti putem e-maila kada se dobiju potrebne informacije. Za pripremu posjete Makedoniji zadužena je Todorka Jovanović, predstavница makedonske nacionalne manjine u Vijeću. Odlučeno je da se najkasnije 29. ili 30. augusta dostave prijedlozi za izbor mjesta za posjetu druge grupe, kako bi se donijela konačna odluka koja bi se uputila nadležnim službama Parlamentarne skupštine BiH na daljnje postupanje.

Ad.4. Razno:

- **Informacija o isplataima troškova za rad VNM**
- **Informacija o popisu stanovništva u BiH**

Predsjedavajući Vijeća nacionalnih manjina BiH Tihomir Knežiček obavijestio je članove da je u toku obračun naknada troškova za rad u Vijeću nacionalnih manjina kao i da je upućen dopis Agenciji za statistiku BiH, u vezi s popisom stanovništva u BiH, a koji se odnosi na nacionalne manjine, te da se čeka njihov odgovor.

Sjednica Vijeća nacionalnih manjina BiH završena je u 13,20 sati.

Sastavni dio ovog zapisnika je tonski snimak 19. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček